

臺海文獻匯刊

主編 名譽主編

陳支平 林曉峰
蕭慶偉 鄧文金 施榆生

23



廈門大學出版社
XIAMEN UNIVERSITY PRESS

國家一級出版社
全國百佳圖書出版單位

第八期

目 要

吳光雲閣湧題



木岳詩草補遺

丁鴻儒署

名譽主編 陳支平 林曉峰

主 編 蕭慶偉 鄧文金 施榆生

臺海文獻匯刊

錄梅老子自題

六肚皮集



策劃編輯單位

閩南師範大學閩南文化研究院

廈門大學兩岸關係和平發展協同創新中心

新聞出版改革發展項目

福建省社會科學規劃重大項目（項目編號2014Z001）成果



三長贅筆卷之六

目錄

讀漢書偶得

自陳湯傳語起至劉之驎參校古本漢書語止
長短共七十六條

375

讀漢書偶得

吳子光 芸閣

陳湯傳

陳湯之斬鄯支。單于如傳介子之斬樓蘭王。可稱奇功。獨泥古者。絀之。謂以此為坊。慮有僥功。生事無故。而開邊釁者。語固有理。惜乎知守經。不知通變也。又人臣矯制之事。不可為訓。古者大夫出境。有可以利國者。則專之可也。此春秋傳之指也。然論者謂此為春秋時列國紛爭事機。呼吸者言耳。若以四海一君之世。亦悍然而為矯制之舉。則非也。此終童所以詰徐偃也。陳湯一生以功名顯。計斬鄯支以後。西域益震懼。且老于邊事。觀其料烏孫之兵。不

出胸中成算此與岳公料楊么何異謂之能吏可也謂之勞臣可也然則陳湯在漢廷又可多得乎哉

匡張孔馬傳

求經術於三代以下易求士品於三代以下難匡張孔馬世之所稱人師經師也然瑕瑜不掩得失互見史臣筆之於書以詔後世有可為師法者有可為炯戒者事久論定毀譽俱無所施公道存焉耳吳氏女某詠史云不學何須詆霍光託孤寄命報先王匡張孔馬多經術青史於今若個芳巾幗中有此大見識大學問煞是難得吾輩莽男兒拜在下風矣

史文矛盾

文安本燕刺王旦邑也。坐臧匿亡命見削。事在武帝時。武帝崩立昭帝。燕王懷不軌之志。勒車騎發民會圍大獵。文安縣臣講士馬云云。此時燕安所得。文安縣而會獵也。顧富人以後作前曲為辨。析終無以易乎矛盾之說也。班書中似此類者無數。

魏相傳

中謁者趙堯舉春。李舜舉夏。兒湯舉秋。貢禹舉冬。四人各職一時。云此卽言天子衣服。然堯舜禹湯之名。安得如此湊巧奇矣。

西漢多異字

公羊高謂春秋譏二名王莽深信其說故有二名之禁單于囊知
牙斯止稱知一字殊屬無謂其稍異者如蕭育冷豐戴聖俱字次
君實嬰馮述俱字王孫何武字君公嚴延年字次卿田廣明張湯
俱字子公路溫舒字長君偉林傳尤多費直梁邱賀俱字長翁桑
欽字君長翼奉蔡千秋俱字少君夏侯勝與張釋之子摯俱字長
公周慶字幼君丁姓楊榮俱字子孫胡常字少子賈護字季君嚴
彭祖疎受暴勝之俱字公子又劉公子為太中大夫顏安樂字公
孫翟牧字子兄張禹字長子霍光時有一王莽為右將軍又儒林
傳有兩京房俱明易此處書法疑有謬誤恭之郊祀志有丁夫人
丁姓夫人

嚴延年字長孫。杜延年字幼公。張禹字長子。

非成帝師
張禹也

武五子傳

兵凶器。感萬姓之命。傷造物之仁者也。建元六年。彗星見。長竟天。而兵事起。衛太子生。自此三十餘歲。霍風。曠雨。北鄙。肅殺之氣。并闖入天子宮中。異矣。衛太子自殺。一家幾無孑遺。曾孫繼繼繫獄。幾死。賴郅吉護持。以免。曾孫即宣帝也。廣陵厲王胥。燕刺王旦。皆自殺。國除。齊懷王閔。早夭。無子。國除。昌邑哀王髡。薨。至其子賀。昌罪廢。失國。昭帝壽尤促。無子。皆武帝子也。楚靈王曰。予殺人子多矣。能無及此乎。豈非天哉。豈非天哉。吾不禁垂涕泣而道之。

張湯杜周兩傳

東方曼倩。小遺殿上。顏氏以小便為辭。此傳云。安世為光祿勳。郎有醉小便。殿上以家人語入。正史阮咸未能免俗矣。湯傳文最艱澀。如平亭疑法奏識疑云云。所治即上意所欲臯。欲釋所治即豪。即下戶羸弱云云。薦數從中文事。有可且傷湯者。不能為地云云。史語鮮豁亮。故註家頗傷辭費。意索解人不得。又傳中田甲兩見。下言左田信。同是富貴。當是一人無疑。趙禹讓湯曰。君所治吏滅者幾何人。何刻深次骨乃爾。杜周為廷尉及中都官。詔獄逮至者六七萬人。吏所增加十有餘萬。何其虐也。夫名將之門。不昌。酷吏

之世必斬獨張杜二人天乃翻其局以報之何哉張氏則賀興如
世有陰德杜氏則延年行寬厚天不以一青掩大德故耳又湯傳
云詔都內別藏張氏無名錢百萬數安世子延壽嗣侯租入歲
千餘萬延壽子放為成帝幸臣賞賜百千萬數後復賜錢五百萬
成帝崩放思慕哭泣而死可謂風情不薄者也杜周久任事列三
公兩子為郡守家訾累巨萬周子延年居位十餘年賞賜賂遺訾
數千萬延年子緩嗣侯諸子皆至大官有能名惟緩中弟小冠杜
子夏欽官最小而名最著云又永光中西羌反緩入錢穀助用
前後數百萬漢臣之富厚如此

循吏傳

天者何仁而已矣。人得天地生物之心以為心而仁道行焉。居官者具一念生機。培養庶姓。多少无氣留貽己身。多少福澤不於其身。亦食報於子孫。即未見所報。然理得心安。可告無罪於衾影焉。居官自下車始。屆時官帥幕僚家丁府史胥徒。凡有事於曹司之役者。齊詣明神前立誓。洗心滌慮。勿蹈故轍。不率教者。神誅殛之。以聞。此非媚神與。沽名實借神道以警心。以砥頑耳。自是錢穀兵刑如麻而起。振刷精神。蠲除積弊。國人咸拭目以觀新令尹之政。嗚乎。曷其奈何。不敬嘗考匈奴無文書。臣言語為約束。而國恒治。

諸夏則虛文苛禮行之數千餘年之久一旦欲廢置之勢有所不能惟奉行故事之中不可無變通宜民之意有條教一種條教者所以代木鐸也其尋常施為假手焉可惟事關重要必宜親書辭簡而義該令行而禁止劉公一紙書何難仿而為之與有疑獄一種疑獄者事難武斷者也令長民者暗中摸索以冀其得無論情未必得即倖而得之亦縲紲久繫民之皮肉脫矣豈知民欺官易欺鄉里難明明有一至近至便之途而熟視若無睹何也有吏役焉古之卒史皆以誦九千字與通一經呂上者為之今功令無聞此矣已無庶人在官之祿則舞文巧詆時或不免然試問加硃判

行者匪異人任官也一聞之獄干證若而人羅織若而人株連何
辜長民者不一伸紙一動筆刪削之以塞其弊實是人形而木偶
者矣有盜賊焉小盜役能緝捕其稍負固者官出其不意掩襲之
如探囊取物耳吾見有捕盜為名而可噉聲聞數里外者是使之
逃遁也亦過於養威重矣總之吏有別才非闕學也然亦不可廢
學事上官以敬微示以不可奪之操接紳士以禮顯忱以不可
之法廉恥以勵君子刑罰以儆小人儉以養廉勤以補拙不立異
以鳴高不矯枉以過正古稱循吏如此而已又考漢代郡守兼諮
兵專制千里不似今之知府事事受司院掣肘也

古今人表

吳子曰。列星紛錯。皆麗於天。羣言殷亂。必衷諸聖。班氏此表。有古
 無今。或謂班書未卒業。遽遭竇氏之禍。故也。其表分九等。為上上
 上中。上下中上。中中。中下。下上。下中。下下。云。古今人類眾矣。乃欲
 一一指數。孰者為上。中。孰者為次。上。恐孔子亦無辭以對。爾且鴻
 荒久遠。若驪連。赫胥。混沌。葛天。諸氏。百家。雖有稱述。孔子刪之。此
 千秋定案也。初。堯舜禹湯。聖德在民。此何待論。次者。又蚩尤。三苗。
 飛廉。惡來之類。列置下下。為第九等。古來亂臣賊子。豈待貶絕。而
 始見哉。可謂蛇足矣。又衛世子共伯蚤死。魯隱公讓國賢君。乃與

宋朝彌子瑕孔富儀行父並列下下為殿九等尤謬即程鄭亦非其倫也祝佗王孫賈與史魚公叔文子列中上為第四等息熈失節婦人列中中為第五等豈以其美耶優孟便嬖小臣與晉悼公孟獻子並列中上為第四等屈原漁父置第二等曾子傳道又與由求游夏並列■為第三等宋桓魋嬖臣且欲殺孔子與匡人豎貂易牙列置下上為第七等呂不韋與燕太子丹列中中為第五等子服景伯林放子家羈亦列中中為第五等達巷黨人又列下上為第三等公伯寮與琴牢並列中上為第四等令尹子椒子蘭訖毀屈原乃列中下為第六等公孫丑孟之反列下上為第三

等○中○中○第○五○等○有○陳○子○禽○與○陳○亢○二○人○中○下○第○六○等○又○有○陳○子○亢○
 何○耶○左○傳○范○武○子○與○士○會○為○一○人○今○表○中○重○見○又○何○耶○惟○管○仲○子○
 產○季○札○蘧○伯○玉○與○顏○冉○思○孟○列○置○上○中○為○第○二○等○殊○稱○允○當○其○餘○
 訛○錯○不○勝○枚○舉○竊○謂○許○劭○汝○南○月○旦○評○亦○祇○論○其○賢○否○耳○未○嘗○區○
 以○一○二○三○四○作○算○博○士○伎○倆○也○考○天○一○地○二○天○三○地○四○天○五○地○六○
 天○七○地○八○天○九○地○十○之○文○惟○易○象○與○律○歷○家○用○之○其○他○則○否○聞○古○
 有○離○朱○者○明○見○萬○里○之○外○惜○目○不○能○自○見○其○睫○班○氏○母○乃○類○此○吾○
 嘗○謂○扶○風○才○學○有○餘○而○識○不○逮○者○此○也○
 蕭○望○之○傳○其○子○育○為○茂○陵○令○會○課○育○第○六○而○漆○令○鄧○舜○殿○見○責○問○